



Cumün d'Ardez

Sezzüda da la suprastanza nr. 15/09 dals 28-07-2009

Preschaints: la suprastanza cumünala
Karin Stecher (protocol)

S-chüsats: Emerita Meyer

Tractandas:

- | | | |
|----|---|-----|
| 1. | Approvaziun dal protocol dals 07-07-2009 | |
| 2. | Credit mantegnimaint chasa cumünala | 607 |
| 3. | Visita Ardesio als 29 e'ls 30 avuost 2009 | 608 |
| 4. | Contribuziun gruppa da teater Ardez | 609 |
| 5. | Survista progets bütschetats 2009 | 610 |
| 6. | Adattar il regulativ da sunteri | 611 |
| 7. | Taxa da sepultüra | 612 |
| 8. | Dumonda da fabrica, chasa 139 Tuoretta | 613 |
| 9. | Orientaziuns e varia | |

1. Approvaziun dal protocol dals 07-07-2009

Il protocol dals 07-07-2009 vain approvà unanimamaing davo avair fat ün müdamaint.

IMMOBIGLIAS

28.

2. Credit mantegnimaint chasa cumünala

607

Il capo orientescha cha las lattas da naiv e la culmaina dal tet da la chasa cumünala sun in ün nosch stadi e chi fetscha dabsögn da rimplazzar las lattas e da renovar parts da la culmaina. Tenor l'offerta da la dita Erni s'amuntan ils cuost a ca. fr. 4'700.00. La suprastanza cumünala discuta la chosa e decida seguaintamaing:

Decisiun: La suprastanza cumünala conceda il credit da fr. 4'700.00 per far las renovaziuns necessarias vi dal tet da la chasa cumünala.
--

SOCIETATS, PARTITS, FESTAS, ARRANDSCHAMAINTS

35.

3. Visita Ardesio als 29 e'ls 30 avuost 2009

608

Il capo orientescha cha nos amis d'Ardesio, ca. 50 personas, vegnan als 29 e'ls 30 avuost 2009 ans visitar. Els rivan ad Ardez ca. a las 14.00 e fan lura subit üna spassegiada tras nos cumün. Causa cha la chasa da scoula es per quella fin d'eivna reservada per la radunanza chantunala dals veterans da chant vain la tschaina organisada giò'l tir d'Urezzas. Per la saira vain organisà ün bal cun ustaria pro la stalla da famiglia Marianna e Fredi Clalüna la es invidada tuot la populaziun d'Ardez. A regard üna musica pel bal vain amo discutà culs d'Ardesio sch'els preferischan la chapella Tasna opür be üna stereo e discs compact. Ils cuosts per üna eventuala musica vegnan surtuts dals d'Ardesio. La pernottaziun vain reservada a Garsun. Il capo fa la proposta da conceder il credit da max. fr. 3'300 per la tschaina e la pernottaziun. In duos ons invida il cumün d'Ardesio a tuot la populaziun d'Ardez al giubileum da 20 ons contact vicendaivel. La suprastanza cumünala discuta la chosa e decida seguaintamaing:

Decisiun: La suprastanza cumünala decida da conceder il credit da max. fr. 3'300.00 per la tschaina e la pernottaziun.

CULTURA

26.

4. Contribuziun gruppa da teater Ardez 609

La scheffa cultura orienscha chi'd es entrada üna dumonda da la gruppa da teater d'Ardez per ün sustegn finanziel. La gruppa da teater posseda pel mumaint illa chasa Crusch üna s-chaffa per la büschmainta ed otra roba da teater chi'd es in ün fich nosch stadi. Els vessan uossa la pussibilità da far üna nouva s-chaffa in chasa da scoula suot il palc. Ils cuosts per quella s-chaffa (be material) s'amuntan a ca. fr. 3'000.00. La gruppa da teater exista uossa daspö fingià 20 ons e da la vart dal cumün nun han els amo mai survgni ün sustegn finanziel. La suprastanza discuta la chosa.

Decisiun: La suprastanza cumünala decida da sustgnair il proget d'üna nouva s-chaffa cun ün import da fr. 2'000.00.

FINANZAS

10.

5. Survista progets bütschetats 2009 610

Il capo preschainta üna survista dals progets büdschetats dal 2009. La suprastanza cumünala repassa la glista dals progets. Ils differents posts vegnan discus e per part sclerits dal dicasteri chi pertocca per pudair realisar amo quist on.

SUNTERI, SEPULTÜRAS

12.

6. Adattar il regulativ da sunteri 611

Il schef sunteri orienscha cha'l regulativ dal sunteri es gnü fat da l'on 1995 e chi fetscha dabsögn da til actualisar causa l'augmaint in regard urnas e fossa cumünaivla. Our da quel motiv propuona il schef sunteri da definir i'l regulativ dal sunteri la grondezza pels talers da las fossas dad urnas sco chi'd es eir defini la grondezza per las fossas terrestras. Las masüras sun sco seguaintas: lunghezza 1.00 m, largezza 0.60 m ed otezza 0.20 m. La suprastanza cumünala discuta la la chosa e decida seguaintamaing:

Decisiun: La suprastanza cumünala decida d'aggiunger i'l regulativ da sunteri las masüras dals talers per fossas d'urna sco propuonü dal schef sunteri.

7. Taxa da sepultüra 612

Il schef sunteri orienscha cha per la fossa cumünaivla nun esa amo defini ingüna taxa da sepultüra. Fin uossa es fixada la taxa per fossas terrestras sün fr. 110.00 e per fossas d'urnas sün fr. 60.00. Il schef sunteri propuona da fixar la taxa da sepultüra per la fossa cumünaivla sco per las fossas d'urnas sün fr. 60.00. La suprastanza cumünala discuta la chosa.

Decisiun: La suprastanza cumünala fixa la taxa da sepultüra per la fossa cumünaivla sün fr. 60.00.

Dumandas da fabrica

05.03

8. Dumonda da fabrica, chasa 139 Tuoretta 613

Il schef da fabrica orienscha chi sun entrads novs plans a regard la renovaziun da la chasa Tuoretta no. 139 cun divers müdamaints interns (plan s-chala, differents

müdamaints da localitats) e müdamaints externs (porta d'entrada, chamin, fanestras sül plan süsom, lobjias vers vest). La dumonda da fabrica d'eira fingià publichada dals 07-06-2009 fin als 27-06.2009. Il cusgliader da fabrica ha tut in vista ils müdamaints dals plans. La cumischiun da fabrica ha trattà la dumonda e propuona da conceder il permiss da fabrica pels müdamaints.

Decisiun: La suprastanza cumünala conceda il permiss da fabrica pels müdamaints.

9. Orientaziuns e varia

9.1 Charta d'ingrazchamaint da "l'Engadin Scuol"

Il capo orientescha chi'd es entrada üna charta d'ingrazchamaint da "l'Engadin Scuol" a regard il sustegn finanziel da la vart da nos cumün per realisar la cumprita d'üna maschina nouva da far loipa per la loipa Scuol – Martina. Il capo prelegia la charta.

9.2 Revisiun da quint Loipa Scuol – Martina

Il schef sport orientescha cha quist on tocca a las chanzlias da Ftan ed Ardez da far la revisiun da quint da la loipa Scuol – Martina.

9.3 Dons da vias da spassegiar

La scheffa turissem orientescha cha la società da trafic haja survgni reclamaziuns a regard dons da la via da spassegiar da Tasna chi pon esser privlus pels viandants. La scheffa turissem voul discutir la chosa cul manader operaiv per pudair in avegnir reagir plü svelt in cas da dons chi pon causar privels per far ils pass toccants per la sgürezza dals viandants.

9.4 "Bikemarathon" dals 29-08-2009

Il schef sport orientescha cha'l "Bikemarathon" vain manà tras quist on als 29 avoust e chi saja necessari da serrar pel quel di ils seguarints tragets:
Munt – Bos-cha / Bos-cha – Ardez / Via sü Strada

14-08.-09

In buna fai

La chanzlista:

Il capo: